



Broj:
Сarajevo, 01.06.2022. godine

PRIMLJENO.				01-06-2022
Organizaciona jedinica	Klasifikaciona oznaka	Redni broj	Broj priloga	
01-	50-1-	861	/22	

PARLAMENTARNA SKUPŠTINA BOSNE I HERCEGOVINE

PREDSTAVNIČKI DOM

n/r Predsjedavajućeg Predstavničkog doma

Na osnovu člana 8. Poslovnika Predstavničkog doma Parlamentarne skupštine Bosne i Hercegovine („Službeni glasnik Bosne i Hercegovine“ br. 79/14, 81/15, 97/15, 78/19, 26/20) upućujem sljedeću

POSLANIČKU INICIJATIVU

Kojom se nalaže Vijeću ministara Bosne i Hercegovine da dopuni Odluku o kriterijima za utvrđivanje dodatka na plaću na osnovu obavljanja složenih informativno-aplikacijskih poslova u institucijama Bosne i Hercegovine („Službeni glasnik Bosne i Hercegovine“ br. 38/09), te druge akte, čime će se omogućiti dodatak na plaću, odnosno potencijalno uvećanje plaće, zaposlenim informatičarima sa srednjom stručnom spremom.

O b r a z l o ž e n j e

Primjer stanja u institucijama BiH u pogledu statusa informatičarima sa srednjom stručnom spremom je, pored ostalih, i Odsjek za informacioni sistem i komunikacije u Ministarstvu vanjskih poslova, koji je najstariji informatičko-komunikacioni odsjek u institucijama BiH, osnovan davne 1992 godine. Ovaj Odsjek je kreirao prvu aplikaciju za izdavanje bosanskohercegovačkih putnih isprava i prvi je u okviru institucija Bosne i Hercegovine uspostavio mrežnu infrastrukturu, e-mail komunikaciju itd. Preko 10 godina u tom odsjeku informatičari sa SSS drže čitav sistem i rade najmanje 50% poslova VSS-a jer jednostavno radi malih plata ne želi niko sa VSS da se prijavi na konkurse.

U vrijeme donošenja predmetne Odluke, čija dopuna se traži ovom Inicijativom, u institucijama BiH je bio zaposlen veliki broj informatičara sa visokom stručnom spremom, pa se predmetnom Odlukom pokušalo motivirati inžinjere da ne napuštaju radno mjesto u institucija BiH radi izuzetno malih primanja. Međutim, budući da se do nedavno ova odluka nije primjenjivala ili se primjenjivala veoma rijetko značajan broj informatičara sa visokom stručnom spremom, prema dostupnim informacijama, napustio je institucije BiH. Aktuelno stanje je takvo da informatičari sa srednjom stručnom spremom trenutno obavljaju većinu odgovornih poslova i zadataka iz domena poslova radnika sa visokom stručnom spremom, a čije izvršavanje je neophodno za održavanje i funkcionisanje postojećih informacionih sistema. Iako je time došlo do višestrukog usložnjavanja posla radnika sa srednjom stručnom spremom u ovoj oblasti, njihove plaće u visini od mizernih 760 KM nisu povećane u skladu sa obimom i nivoom kvaliteta poslova koji se konstantno uvećavao. Dopunom predmetne Odluke i drugih akata, čime bi se osiguralo povećanje plata/dodatak na platu za 20%

radnicima sa srednjom stručnom spremom u ovoj važnoj oblasti – na jednak način kao što je osigurano za radnike sa visokom stručnom spremom, ispravio bi se očigledan propust (ali i nepravda!) prema ovoj kategoriji radnika, te bi se spriječilo dalje napuštanje institucija BiH – ovaj put od strane radnika sa srednjom stručnom spremom, što bi ugrozilo funkcionisanje sistema informatičke podrške do krajnjih granica.

PODNOŠILAC



/Zlatan Begić/